

iedoch tvr er dem hovpt we. **vō dē peterfil**

c. x. **P**eterfil ist heiz vñ trevchen andem ende des
druten gradvs. da von wechet iz den harn.
vñ frowen siechtvm. vñ zeloset dem bladem
vñ senftet den lencwen. vñ der blater. vñ d
der blater. vñ tvr ovf diu swerzloch vñ ma
chet den swarze weche vñ foebet blvt. vñ
tvr vf des magen mvnt. so iz gesoten wirt.
Iz reiniget der leber fter vñ loset ir gedwanch.
vñ ist got zv dem geswer. daz inden lenden
ist. vñ loset daz gedwanch. daz da ist von dē
bladem. indem grozzen darm. **vō dē cherveln**

c. xi. **C**herveln sint heiz andem druten gradv.
vñ trevchen andem andern. Je sovch er wet
het den harn vñ frowen siechtvm. So man in
trinet mit wazzer da honuch ist uine
gesoten. vñ senftet den smerzen under siten.
vñ inden lenden vñ under blater. vñ senftet
die triben. die da chvnt von dem pladem vñ
zefvret den pladem der indem mageu ist. vñ
inden darmen. vñ loset die ver schoppvng.

c. xij. **D**er venichel ist warm vñ **vō dē venichel**
trevchen ander mitte. der ander gradvs.